



QVÆSTIO MEDICA

QVODLIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

Die Iovis 14. Februarij.

M. MICHAELE POINSSART

DOCTORE MEDICO PRÆSIDE.

An ab uno sanguinis calore vite mania?

I.

SPIRITVS, cui non una est subiecta notio, plerisque Medicorum corpusculum est obtutum fugiens, miræ subtilitatis ac pernicitatis, è purgatissimo sanguine exquisitè elaboratum, & ad absolutissimum nitorem perductum, cœlestis, ut quibusdam placet, originis & naturæ, animæque nodus ac vinculum, ad omnes utriusque functiones obeundas, viresque ac potestates ultrò citròque traducendas pernecessarium. Triplicis id generis, è cerebro, corde, & jecore, velut è triplici, ut aiunt, facultatis fonte jugiter haustum per nervos, arterias, & venas admodum multas, quasi per rivos sibi à naturâ destinatos ocyùs oculi nictu in extremum corpus excurrit, quoquo versumque diffusum, præter illas quas explet gestiones, ab ortu insitum & cuiusque partis proprium spiritum continuò fovet, reficit, ac instaurat. Ita illi

egregiè consultum putant animæ, dum ei perinde ac Satrapæ tot tamque varios ministros, apparitores, nuntios & satellites affignant, ignari quàm se isto commento impediunt, & in quos se induant laqueos.

I I.

QVI negant corpus & animam dispares naturas, puram scilicet cum impurâ, immortalem cum mortali posse coïre societatem absque mediâ cujusdam naturæ interjectu, reddunt fabulam Academicorum exulem animum, quò corpus tenebri-
cosum carcerem incolat, non uno illustri corpore prius amicientium. At te, nisi jam versus es ad scholam mentemque meliorem, quæso formæ & materiæ animæ & corpori sic à naturâ comparatis, ut & mutuo semper amore & incredibili conjunctionis studio flagrent, quid opus est parario spiritu quo concilientur! Nihilo melius de sapientiâ merentur, qui animæ rei tam divinæ, toti corpori singulisque ejus partibus totam se exhibentis, præsentissimæ, per seque nunquam non ad agendum expeditæ facultates (quasi huc illuc oberrent & discurrant) quocunque deportari prædicant vectore spiritu. Sed nec geminâ istâ provinciâ à rerum prudentibus spoliato id negotij datum, ut præsto ubique sit animæ quodlibet officij munus exequenti. Intimum nec ab illâ aut à corpore aliud, disjunctumque esse oportet, cui partes istæ delegentur.

I I I.

NATVRA, vel si clariùs potestas Dei ordinaria, ut rerum procreatione locuples ac copiosa, ita principiorum paucitate parcissima, nunquam in viventibus otitur, quandiu bene habita membra minimè deficit salutaris ille calor, quo vita tenetur ac definitur. Hujus unius principis instrumenti animæ morem gerentis operâ partes omnes pulchrè absolvunt descripta sibi muna. Is è cælo primùm ductus; nec tamen specie ab elementi calore diversus, perpetuo in viventibus agitur & micat, summæque habet ad vitam opportunitates. Equidem nimius torret, vastat, conficit, malèque perdit omnia: at certâ moderatione temperatus rebus formas inducit, animam glebis infundit, ex ovis pullos excludit & animat, stirpes alias hyemis inclementiâ propè enectas sustinet ac recreat, artus frigore rigidos restituit; hoc ferum concoquit passer marinus, calculos gallina, cicutam sturnus, helleborum coturnix, sic denique inter dissidentes quali-

tates reliquas eminet omnium facile princeps, ut quæ opinionem superant ejus effecta, formæ naturæque proprietati attribuant perique homines admiratione quadam stupidi. Idem tamen quantumvis ætuosus, quia fugacissimus promptè vanesceret, si nullum haberet sibi subiectum corpus cui inhaereret. Fuit igitur ipsi quærendus tanquam in foco fomes stabilisque sedes, unde manaret assidue.

I V.

N VLLA res, nulla ratio cogit ortum spiritibus præcarium scenerari, in vitæque scænam advocare tot à sanguine distincta corpuscula, tam tenui textu prædita, vel tam subtili filo deducta, ut solidissimas quasque partes penetrando subeant, calorem delatura. Vnus ad eam rem satis est domi, & apud nos primò natus sanguis, vitæ lar, fons & conservator, summi rerum opificis quasi vicarius, extorum ac totius corporis, ævi longioris, somni, vigiliarum, ingenij, sapientiæ, animi permotionum auctor, calorisque germana sedes ac vehiculum, ejus quippe accessio & abcessio calorem adducit & abducit. Quomodo stolidæ gravisque terra frigore contracta torperet, nisi deorsum è volubilis ac in orbem incitati cœli culmine in eam se calor demitteret: sic immota rigerent membra; nisi sanguis solis instar ipsis suapte vi calorem infunderet. Ejus præsentia collustrata calent, florent, vigent, splendent; eo vel è corde, pulmone, jecore, liene, renibus-ve expresso pallent. Planè sanguis cum animâ, aut, si mavis, anima cum sanguine nihil non perficit in corpore, minimoque momento in hanc illam-ve partem impellitur; ut unâ eademque viâ sanguisque animusque sequantur. Nec magis ab illo divelli queat calor quàm vita. Propterea in viventibus nullibi non reperitur; utque non pauca animantes vitam colant defectæ corde, pulmone, aut aliorum viscerum mole: in vitâ tantisper manere nulla potest absque sanguine, ei-ve cognato humore caloris particeps, quo tanquam vitali succo continenter irrigetur.

V.

S A N G V I S extra venas caloris inops, cruor est, resignava, suis in vasis admirabilis. Dant hæc ipsi aditus ad quosvis partium recessus, vel ipso jam albescente referti nervi à cerebro, sicut venæ & arteriæ à corde, tracti vel profecti in omne corpus ducuntur, quos si pupugeris, tam copiosus, tam liquidus effluet, ut non facile sistas. Perperam igitur illic quæras qui cursent, qui

toties in viam se dent, redeantque spiritus puritate, splendore, illuminandi potestate nitentes, perperam & in cerebri se se cum arteriis stringentis laxantisque medulla, aut cavernis, per quas tantum uberrimi quod ab illis hausit alimenti purgamenta defluunt, ut ad mentem quæ in ejus arce habitat velut in cælo Deus, sensus ex omni parte vix comprehensibili celeritate conveniant, pulsus longo itinere descendit vagus spiritus. Haud secus ac in fidibus sonum qui unâ duntaxat in parte elicitur, totus refert remittitque bene contentus nervus; si relaxetur aut aliquid interseptum sit, mutus inersque fit: ita ictis nervis (qui cerebri propaggines sunt, imò ipsum suis septum membranis cerebri ad extremos artus productum) nisi quod illi vitium duxerint, eodem temporis momento fundit se continuata pulsio ad intima cerebri penetralia, in quibus sedens anima capit rerum omnium cognitionem, de illisque veluti de cella ac tribunali pronuntiat. Ne multa, stat firma partium conjunctio & in unum conspirans vigor, flagratque in membris in quibus debet esse, vivus & quasi ardens sensus, quamdiu relinquitur illis liberum cum sanguine & calore commercium.

Ergo ab uno sanguinis calore vite munia.

DOMINI DOCTORES DISPUTATVRI.

*M. Carolus de Laval,
M. Dionysius Dodart,
M. Dionysius Puyton.*

*M. Ioannes Baptista de Revelois,
M. Fabianus Perreus,
M. Edmundus Charrier.*

*M. Nicolaus Matthieu,
M. Iacobus Renaud,
M. Nicolaus Langlois.*

Proponebat Luretiæ IOANNES ROBERT Parisinus,
A. R. S. H. M. DC. LXIX.

PARISIIS,

Ex Typographia F. MUGUET, Regis ac Illustriss. Archiepiscopi
Parisiensis Typographi, viâ Cytharæ, ad Insigne
Adorationis trium Regum.